



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

55. De fure, qui pauperularu[m] sanctimonialiu[m] aluearia furat[us],
i[n]felici morte subito interijt.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

punctus corde, Ecclesiæ Misnensi non solum data refarciuit damna, verum insuper multa contulit donaria, quibus, ut sperandum est, benedictionem pro maledictione à Deo promeruit. Legitur tamen tam hunc quam diui Bennonis percussorem, spe prolis à Deo frustratos absque legitimo decessisse hærede, in poenam lætæ Ecclesiasticæ libertatis.

Gregorius Turonensis lib. 1. cap. 17. De miraculis D. Martini. De fure, qui paupercularum sanctimonialium aluearia furatus, infelici morte subito interijt.

CAP. LV.

In porta Ambianensi, in qua quondam beatus Martinus pauperem algentem chlamide decisa contexit, oratorium à fidelibus est ædificatum, in quo nunc puellæ religiosæ deseruiunt ob honorem sancti antistitis, parū habentes facultatis, nisi quod eas deuotorum alit sæpè deuotio. Quodam autem tempore pauca apum aluearia eis fuerant data, quæ cum quidam inuidus aspexisset, ait intra se. Utinā aliquid de his vasis possem auferre. Sequuta autem nocte instigatus à dæmone, ablatis tribus vasis nauim onerat, ut scilicet transito amne sibi facilius, quæ abstulerat, vendicaret. Sed credo ei impedimentum fuisse hoc furtum, sicut postea manifestè probatum est. Igitur cum sole oriente ad portum fluminis causa transmeandi homines properarent, nauim ad litus aspiciunt, apesque ex aluearijs cateruatim emer-

emergere, hominemque seorsum iacere prostratum. Sed putantes eum à somno occupatum (sicut didicerant iam à puellis, furtum factum) quantotius properant ad illigandum eum, sed accedentes mortuum reperiunt. Statimque puellis notum faciunt factum, & quod furto raptum fuerat, cellulæ restitunt, admirantes tam velociter in homine diuinæ ultionis accessisse sententiam.

Nicephorus Callistus lib. 14. cap. 32. Ecclesiæ histor. De quibusdam seruis qui cum armati ad Ecclesiam confugerent, ibique diuinas cœremonias impedirent, clericum quoque trucidarent, tandem seipsos interemerunt.

CAP. LVI.

Ingenit. hereticorum.

CVM Nestorius linguæ volubilitate elatus, animum ad veterum scripta non accuratè intenderet, sed se seipsum omnium præstantiorem esse duceret, multaque in Mariam θεοτόκον blasphemans nugaretur, accidit ut detestandum quid in Ecclesia fieret. Nam primarij cuiusdam magistratus serui, crudeliter ab ipso hero accepti, ad Ecclesiam confugere, & ferrum in manibus habentes, ad sanctiorem sacrificij aram irruere, iussique inde atque coacti exire, haud quaquam paruere, diuinas cœremonias impediētes: & diebus plurimis strictos & coruscantes enses præseferentes, ut obuios omnes ferirent, parati fuerunt. Atque ubi clericum quendam trucidarūt, ali-